

**Protocol da la radunanza generala da la
SOCIETÀ LÖ D'INSCUNTER LAVIN**



als 29 marz 2023, 20.15h illa Chasa Fliana a Lavin

Preschaints: 24 persunas (vair la glista da preschentscha acclusa) e nos president Padruot Fried
S-chüsats: Fabian Schorta, Anita Burkhalter, Nutala Messmer, Astrid Casura, Ida Toutsch, Mathias Federspiel, Otto Denoth, Adele Marugg, Christa Pinggera, Uorschla & Cilgia Etter, Ortensia Blanc,

1. Bivgnaint

Nos president Padruot Fried das-cha salüdar a 24 commembras e commembers a quista radunanza generala. Il president constata cha la radunanza es gnüda convocada tenor ils tschantamaints e perquai abla da trar decisiuns.

L'actuar Fabian Schorta s'ha s-chüsà ed il protocol vain scrit da l'assesura Annapatrizia Richert-Clagluna.

La glista da tractandas vain approvada da la radunanza unanimamaing.

2. Tscherner ün scrutinadur / üna scrutinadura

Sco scrutinadur vain tschernü Linard Marugg da Scuol.

3. Preleger ed approvar il protocol da la radunanza dals 27.04.2022

Il protocol da la radunanza generala dals 27 avrigl 2022 vain prelet ed approvà unanimamaing.

4. Approvar il rapport da gestiun

Il president Padruot Fried prelegia il rapport da gestiun chi cumpiglia la perioda dals 1. schner fin als 31 december 2022. Id han gnü lö trais sezzüdas da suprastanza a Lavin. Eir ils cuors han gnü lö cun üna sesantina da participantas sco planisà ed il rebomb als 8 cuors ed als referats fich variats d'eiran fich positivs. Nos president ingrazcha fich al comité d'organisaziun. La situaziun finanziaria guarda oura bain. Il president ingrazcha a la dita Acontaris – il contrat cun quella es gni desdit grazcha a la chaschiera Erica Bischoff chi fà in avegnir eir la contabilità per la socità. Inavant manzuna el la desditta da Fabian Schorta sco actuar ed ingrazcha ouravant a Tina Margadant chi's metta a disposizun da surtour l'actuariat. Padruot Fried ingrazcha als organs, als revisurs ed al team per tuot lur lavur prestada. Il rapport da gestiun vain approvà unanimamaing.

5. Rendaquint 2022 e rapport dal revisurat

La chaschiera Erica Bischof preschainta il rendaquint 2022 chi muossa pro entradas da frs. 28'142.80 e sortidas da frs. 26'850.99 ün pitschen guadogn da frs. 1'291.81.

Fadri Häfner prelegia il rapport dal revisurat. Ils revisurs da quint Armon Bezzola e Fadri Häfner han revais il rendaquint e la contabilità ed han chattà tuot in bun uorden. Els propuonan d'approvar il rendaquint e dar dis-charg a la suprastanza, quai chi vain fat da la radunanza unanimamaing.

6. Approvar il preventiv 2023

La chaschiera Erica Bischof preschainta il preventiv 2023 chi prevezza pro entradas da frs. 28'120.- e sortidas da frs. 29'250.- ün pitschen deficit da frs. 1'130.-. Il preventiv vain acceptà da la radunanza unanimamaing. Eir vain approvà l'augment da l'indemnisaziun da la suprastanza sco seguaint :

- president frs. 400.-
- contabla frs. 400.-
- actuara frs. 300.-
- administradura commembranzas 300.-

7. Fixar las contribuziuns da las commembranzas 2024

Üna commembra dumonda, scha no nu vulain in avegnir far pajar la schoppa da giantar a tuottas e tuots chi's partizipeschan als cuors. Ün commember manzuna da prouvar in avegnir da spordscher daplü cuors chi interessan eir ad hommens.

Davo cuorta discussiun tanter oter eir sur dal augmentar eventualmaing ils cuosts pels cuors, vain pero decis da laschar las contribuziuns ed ils cuosts pels cuors sco ch'els d'eiran fin uossa.

Las contribuziuns per las commembranzas da frs. 30.- per singuls, frs. 50.- per conjugals e famiglias, e frs. 80.-- per personas giuridicas vegnan approvadas unanimamaing e restan dimena sco fin quà.

8. Tscherna commembras e commembers da la suprastanza

La nouva professiun da l'actuar Fabian Schorta nu spordscha plü la flexibilità sco fin uossa, ma eir motivs persunals dumondan üna reduziun dals ingaschamaints sper il manster. Perquai vaiva el giavüschà da pudair dar giò la carica subit chi's ha chattà üna successura o ün successur. Padruot ingrazcha a Fabian per seis ingaschamaint a favur da la Fliana d'ürant ils ultims ons.

Cun grond plaschair po nos president Padruot Fried preschantar a duonna Tina Bott-Margadant, chi'd es pronta da surtour a partir da subit la carica da l'actuara. La radunanza elegia a duonna Tina Bott-Margadant unanimamaing e cun ün grond applaus sco actuara per la perioda dal 2023-2025.

9. Program da lavur 2023

Berta Marugg preschainta üna survista dals 10 cuors manuals ch'ellas fan quint da scriver oura. Duonna Mengia Bonifazi, chi ha ons a l'inlunga manà ils cuors da lavurs a man da tuot gener ha express il giavüsch da's retrat sco manadra. Ella vain onurada cun ün grond applaus. Inavant preschainta Berta Marugg plüs novs cuors sco eir cuors chi attiran minch'on las participantas ed ils participants. Erica Bischoff preschainta ils temas dals 10 referats dals cuors chi cumainzan als 24 october 2023 e d'üran fin als 12 december 2023. Eir quist on es il program dals cuors e dals referats fich varià ed interessant. La radunanza ingrazcha al comité per sia gronda lavur.

10. Propostas inoltradas da commembras o commembers (art. 14, alinea 4 dals tschantamaints)

I nu sun entradas ingüinas propostas.

11. Varia

Reto Lehner piglia il pled e manzuna ch'el chatta nossa lavur our da vista d'ün politiker regional fich importanta. El fa curaschi da restar activs e far inavant uschè ed el ingrazcha a la suprastanza per l'ingaschamaint.

Nos president ingrazcha a la suprastanza, al comitè, als revisurs da quint, ad Anna Margaritta Filli per preparar la sala ed a tuot ils preschaints per la cumparsa e das-cha serrar la radunanza a las uras 21 :43.

Bos-cha, 30 marz 2023

In buna fai, l'actuara ad hoc

Annapatrizia Richert-Claglùna

Persunas preschaintas :

Claudia Caprez, Zuoz
Annina Erni, Scuol
Jachen Erni, Scuol
Tina Bott, Scuol
Anna Margaritta Filli, Lavin
Ursina Ganzoni, Sent
Mathilda Pernisch, S-chanf
Christiana Willy, Zuoz
Dumeng Bischoff, Scuol
Erica Bischoff, Scuol
Berta Marugg, Scuol
Fadri Häfner, Guarda
Reto Lehner, Zernez
Ottilia Christoffel, Silvaplana
Mengiafila Luzzi, Ramosch
Linard Marugg, Scuol
Cla Denoth, Ftan
Josef Barbüda, Guarda
Cilgia Nogler, Bever
Buolf Nogler, Bever
Mengia Bonifazi, Lavin
Curdin Bonifazi, Lavin
Annastasia Parli, S-chanf
Annapatrizia Richert, Bos-cha
Padruot Fried, Lavin